



CONVENIO DE COLABORACIÓN ENTRE A CONSELLERÍA DE EDUCACIÓN, UNIVERSIDADE E FORMACIÓN PROFESIONAL E A UNIVERSIDADE DE VIGO PARA O DESENVOLVEMENTO DE NOVAS ACCIÓNS DE I+D+i

Santiago de Compostela, 31 de outubro de 2018

COMPARECEN

(...), conselleira de Educación, Universidade e Formación Profesional (en adiante CONSELLERÍA), nomeada mediante o Decreto 96/2018, do 26 de setembro (DOG núm. 185 do 27 de setembro), de acordo co disposto no artigo 34 da Lei 1/1983, do 22 de febreiro, de normas reguladoras da Xunta e da súa Presidencia e no acordo do Consello da Xunta de Galicia do 27 de marzo de 1991, sobre convenios de cooperación con outros entes públicos e de colaboración con particulares, publicado pola Resolución da Consellería de Economía e Facenda do 8 de abril de 1991 (DOG núm. 82, do 30 de abril).

(...), reitor magnífico da Universidade de Vigo (UVigo), en representación desta, en virtude das facultades que lle confire o artigo 20.1 da Lei orgánica 6/2001, do 21 de decembro, de universidades.

Interven en función dos seus respectivos cargos e no exercicio das facultades que teñen conferidas e

EXPOÑEN

PRIMEIRO.- As universidades que integran o Sistema universitario de Galicia (en adiante SUG) son entidades que forman parte do sector público institucional que, xunto coa misión docente, realizan actividades de investigación e desenvolvemento científico e tecnolóxico o que as configuran como un dos principais axentes xeradores de coñecemento en Galicia.

En Galicia a universidade pública é o lugar onde máis se investiga. O impulso da actividade investigadora é un obxectivo irrenunciable para calquera sociedade e por iso é necesario fomentar unha maior integración entre os centros de investigación e os sectores produtivos, incidir na cultura da calidade e eficacia na utilización das infraestruturas e do capital humano que permitan unha mellora significativa na totalidade dos sectores produtivos e, a súa vez, a potenciación dunha universidade galega de calidade.

SEGUNDO.- A Secretaría Xeral de Universidades é o órgano superior da Administración xeral da Comunidade Autónoma de Galicia para a ordenación, planificación e execución das competencias en materia de universidades e ensinanza



universitarias correspondentes á Consellería de Educación, Universidade e Formación Profesional en relación coas atribuídas polo artigo 31 do Estatuto de Autonomía de Galicia. A Secretaría Xeral de Universidades, de acordo coas competencias que lle outorgou o Decreto 4/2013, do 10 de xaneiro, de estrutura orgánica da consellería, debe velar pola promoción e xestión eficiente e integrada dos recursos e capacidades de investigación do SUG para a súa vertebración e posta en valor no marco do sistema de innovación. Tal xestión concrétese na promoción, deseño e materialización dos instrumentos necesarios para mellorar o financiamento estrutural da súa actividade investigadora.

TERCEIRO.- Na actualidade a investigación configúrase como fundamento da docencia e como medio para o desenvolvemento científico e cultural da sociedade, a través da transferencia de coñecemento. O sistema público de I+D en Galicia, no ámbito universitario, ven amosando unha mellora da capacidade investigadora e dos seus resultados tanto pola adecuada estruturación dos recursos e da actividade de investigación coma pola mellora da súa calidade.

Para garantir a produción dunha investigación de calidade por parte do sistema galego de I+D+i é esencial contar con estratexias e estruturas eficaces que xeren unha contorna favorable á investigación e fortalezan un sistema integral que garanta a excelencia científica.

Compre polo tanto afrontar un conxunto de medidas e accións concretas a desenvolver por actores específicos para mellorar as infraestruturas, intensificar a actividade investigadora e aumentar a produtividade científica mediante a diversificación na chegada de recursos.

CUARTO.- Con cargo ós orzamentos de investigación da Consellería, cada ano iníciáanse accións encamiñadas a financiar a investigación universitaria, xa sexa mediante convocatorias de concorrencia competitiva ou convenios de colaboración.

En consecuencia, a Consellería vén negociando coas Universidades do SUG, a sinatura de convenios de colaboración, co fin de apoiar as súas estratexias de investigación. Estes convenios establécense en función das necesidades e peculiaridades específicas de cada unha delas, podendo ter carácter anual ou plurianual, dependendo das propias características das actividades financiadas ou das necesidades conxunturais de cada universidade.

Polo tanto, as actuacións en I+D+i que se recollen nos distintos convenios responden a finalidades concretas e diferenciadas, aínda que algunhas destas accións poidan dar continuidade a outras xa iniciadas con anterioridade.



QUINTO.- Que H2020 é a estratexia de especialización da Unión Europea para facer fronte á crise e acadar unha economía intelixente, sustentable e integradora que goce de altos niveis de emprego, de produtividade e de cohesión social. Nesta estratexia destácase o papel fundamental da investigación e da innovación na preparación da Unión Europea ante os desafíos futuros e sinala cinco ambiciosos obxectivos en materia de emprego, innovación, educación, integración social e clima/enerxía.

A estratexia Europa 2020 considera que o apoio á investigación e á innovación terá que desenvolverse ao redor da excelencia científica, as industrias competitivas e unha mellor sociedade, centrando o investimento nos principais problemas comúns de todos os europeos, como o cambio climático e a competitividade da enerxía renovable ou os desafíos dunha poboación cada vez máis envellecida.

SEXTO.- Estímase que as actuacións previstas no presente convenio son coherentes co Plan estratéxico de Galicia 2015-2020, correspondéndose co seu Eixo E1 (“Empregabilidade e crecemento intelixente”), Prioridade de actuación PA01 (“Impulso de consolidación das políticas de gasto vencelladas ao I+D+i”), no obxectivo estratéxico OE02 (“Mellorar a capacidade investigadora e os resultados da investigación universitaria galega”).

SÉTIMO.- Que para garantir a produción dunha investigación de calidade por parte do sistema galego de I+D+i é esencial contar con estratexias e estruturas eficaces que xeren unha contorna favorable á investigación e fortalezan un sistema integral que garanta a excelencia científica, para elo a Universidade de Vigo presenta unha proposta para desenvolver accións de mellora en diferentes aspectos e a partir da situación actual a Consellería considera necesario impulsar accións de ordenación, estruturación e potenciación da investigación.

Por conseguinte, as partes abaixo asinantes acordan subscribir o presente convenio, que se rexerá polas seguintes

CLÁUSULAS

PRIMEIRA.- Obxecto do convenio

O obxecto deste convenio é establecer as condicións polas que se rexerá a colaboración entre a Consellería e a UVigo para o desenvolvemento de novas accións estratéxicas de I+D+i co fin de mellorar as infraestruturas, intensificar a actividade investigadora e aumentar a produtividade científica mediante a diversificación na chegada de recursos.



O orzamento será de 1.250.000 euros, coas actuacións que se resumen no seguinte cadro:

TIPO	CONCEPTO	
Área de Tecnoloxía da Información e Comunicacóns		
CPD	Adquisición servidores para a infraestrutura desvirtualización do ATIC	69.975,00 €
	Servizos housing - Centro de cálculo de altas prestacións	17.354,76 €
	Renovación do soporte hardware por 1 ano para sistema de almacenamento EMC2 VNX 5400 e 2 switches Brocade VDX6710, expediente 13/14	9.749,72 €
	Renovación do soporte hardware por 1 ano para ampliación de cabina EMC2 VNX 5400 (1 bandexa máis 9 discos 3TB NLSAS)	2.158,54 €
	2 x Monitor profesional alta luminosidade 65 "	3.900,00 €
	Aluguer anual de licenzas de Software IBM SPSSStatistics	9.074,00 €
	Total CPD	112.212,02 €
Rede comunicacóns	Ampliación mantemento sistema de seguridade para a rede datos e voz	31.623,36 €
	Puntos de acceso	6.550,75 €
	Licenzas Cisco Prime	882,75 €
	Sala audiovisuais proxectos europeos + empresas: Enxeñaría Industrial Marcosende	8.900 €
	Servidores de VPNs PSA5000	18.086,34 €
	Sala audiovisuais proxectos europeos + empresas: Enxeñaría Industrial Torrecedeira	8.900 €
	Servidor de VPNs PSA5000	17.844,78 €
	Total rede comunicacóns	92.787,98 €
	Total Área de Tecnoloxía da Información e Comunicacóns	205.000,00 €
Centros de Investigación		
CINBIO	Laboratorio NBC3 para adaptación á normativa internacional	35.000,00 €
	Proxecto de climatización do animalario: adaptación da caldeira de vapor de gasoil a gas natural, e a adquisición de dúas bombas de calor para funcionar en alternancia.	112.318,00 €
	Sectorización e medición da liña de argón do M5 e solucionar problema de humidade en argón	15.000,00 €
	Total CINBIO	162.318,00 €
CACTI	Vitrinas de gases en técnicas radioquímicas	69.144,00 €
	Adecuación espazo e de espazo e instalación para ubicación e posta en marcha do equipo ITRAX no local P414 na Torre CACTI	39.956,00 €
	Total CACTI	109.100,00 €
	Total Centros de Investigación	271.418,00 €
Remodelación Archivo/Museo mostras científicas		
Archivo/museo	Vitrinas para museo minerais investigadores Explotación Minas	11.406,00 €
	Zooteca, litoteca, herbario	147.176,00 €
	Total Archivo/Museo	158.582,00 €



Eficiencia enerxética climatización		
Eficiencia enerxética	Climatizadora para espazo actividades multiusos Facultade de Económicas	66.000,00 €
	Subministración e Instalación de Enfriadora Carrer 30RB-021 con integración en facoils existentes e adecuación de instalación no local 81CA Philogenomics P419	11.858,00 €
	Sala de caldeiras adaptación Función zona de investigación	25.545,88 €
	Total eficiencia enerxética	103.403,88 €
Eficiencia enerxética térmica	EE Telecomunicacións	19.691,12 €
	Química	43.862,00 €
	EE Industriais	48.043,00 €
	Total eficiencia térmica	111.596,12 €
	Total eficiencia enerxética	215.000,00 €
Infraestruturas investigación		
Politécnico	Proxecto	45.340,53 €
	Total Politecnico	45.340,53 €
Ciencias do Mar	Acondicionamento espazo multiusos (Ciencias do Mar, Bioloxía, Química) para congresos e actividades científicas entre outras	135.658,00 €
	Bioloxia Cambio de usos en zona antigo animalario	20.000,00 €
	Total Ciencias do Mar	155.658,00 €
Aeroespaciais	Acondicionamento aeroespaciais	149.001,47 €
	Total Aeroespaciais	149.001,47 €
	Total infraestruturas investigación	350.000,00 €
Xornadas Portas abertas/Congresos		
	Xornadas portas abertas centros singulares (3 centros)	30.000,00 €
	Grandes congresos	20.000,00 €
	Total xornadas portas abertas /Congresos	50.000,00 €
TOTAL		1.250.000,00 €



SEGUNDA.- Actuacións

A Universidade de Vigo acometerá accións de mellora en diferentes ámbitos:

1. Área de Tecnoloxía da Información e Comunicacions

A Área de Tecnoloxía da Información e Comunicacions encargase de xestionar e administrar todas as aplicacións corporativas da Universidade de Vigo, imprescindibles para dar soporte as tarefas investigadoras e de transferencia.

O **CPD**, as liñas de investigación dos grupos situados nesta infraestrutura están focalizadas no ámbito das tecnoloxías e procesos industriais. Neste campo realizaranse melloras nos equipamentos computacionais de cálculo e simulación enfocadas a sectores como a automoción, o enerxético e o naval, entre outros, son cada vez maiores.

A **rede de comunicacións**, operativa dende 1995, comunica os centros dos catro campus (As Lagoas-Marcosende e Torrecedeira en Vigo, Pontevedra e Ourense), ademais dos edificios que están illados.

Os servizos que se implantan sobre a rede de comunicacións precisan evolucionar cara a unha rede global multimedia, que posibilite a creación dun contorno de traballo, que permitirá maximizar a produtividade da Universidade. Proponse a mellora e renovación de hardware e software para prestar servizo e interconexión a investigación e a transferencia.

Actuacións previstas neste ámbito :

Area de Tecnoloxía da Información e Comunicacions	205.000,00 €
CPD	112.212,02 €
Rede comunicacións	92.787,98 €

2. Centros de Investigación

O **Centro de Investigacións Biomédicas (CINBIO)** é un centro de investigación multidisciplinar da Universidade de Vigo.

No CINBIO preténdese adaptar o laboratorio de contención biolóxica NBC3 á normativa internacional, remodelar o sistema de climatización do animalario para mellorar a seguridade e garantir o correcto funcionamento do mesmo e realizar reparacións e actuación na rede de gas argón do edificio para garantir a pureza do gas necesaria para as investigacións.

O **Centro de Apoio Científico-Tecnolóxico (CACTI)** ten como obxectivo a adquisición, xestión e utilización centralizada de grandes equipamentos científicos. As aplicacións abarcan dende o campo clínico ás ciencias biolóxicas e medioambientais.



As actuacións encamiñanse a dotar o Centro de dúas vitrinas de gases para un axeitado funcionamento deste servizo, é necesario trasladar o Itrax e para iso necesitanse adaptar as infraestruturas de modo que permitan realizar os análises de espectrofotometría de Raios para escanear as mostras.

Actuacións previstas neste ámbito :

Centros de Investigación	271.418,00 €
CINBIO	162.318,00 €
CACTI	109.100,00 €

3. Archivo / Museo de mostras científicas

As investigacións que veñen desenvolvéndose na Universidade de Vigo foron xerando unha serie de importantes coleccións faunísticas, minerais e vexetais, que é preciso conservar en adecuadas condicións. Para iso é preciso acondicionar un espazo que reúna as condicións técnicas para almacenar, identificar e consultar dito material.

A execución da obra para a **construción de Zooteca, Litoteca** (coleccións de mostras de roca) e o **Herbario da Universidade** de Vigo así coma a dotación de vitrinas para museo de minerais permitirán a creación dun mostrario inventariado de especies catalogadas de interese científico, facilitando a labor investigadora no Campus e prestando un servizo a contorna social.

Actuacións previstas neste ámbito:

Archivo/Museo mostras científicas	158.582,00 €
-----------------------------------	--------------

4. Eficiencia enerxética e climatización

As actuacións previstas neste eido son: substitución de climatizadoras por equipos máis eficientes en Económicas e Philogenomics, adaptacións de caldeiras para o uso de combustibles máis eficientes en Ciencias e Fundición.

A sostibilidade nas edificacións existentes pasa en primeiro lugar pola mellora das envolventes térmicas dos edificios. Nesta anualidade a prioridade é a intervención nos edificios máis antigos e que teñen unha maior antigüidade: Telecomunicacións, Química e Industriais.



Actuacións previstas neste ámbito:

Eficiencia enerxética e climatización	215.000,00 €
Eficiencia enerxética	103.403,88 €
Eficiencia térmica	111.596,12 €

5. Infraestruturas Investigación

As instalacións e infraestruturas precisan de adaptacións e renovacións para adaptalas a necesidades que xorden das novas liñas de investigación de grupos existentes.

No edificio Politécnico de Ourense desenvólvese a maior parte da investigación do ámbito científico tecnolóxico do campus de Ourense. É preciso realizar una obra para emendar as deficiencias, reordenar o espazo e substituír as celas deterioradas.

No edificio de Ciencias en Vigo lévanse a cabo numerosas actividades científicas como congresos, seminarios, mesas redondas, talleres. Para unha mellor organización destas actividades precísase acondicionar e equipar un espazo multiusos flexible e polivalente que permita aumentar a oferta destas actividades.

A implantación do Grao en Enxeñaría Aeroespacial en Ourense conleva a creación de novos grupos de investigación. Ao non ter un edificio propio para o Grao, precisase realizar adaptacións nos edificios existentes (Campus da Auga, Pavillón Martínez Risco) necesarias para a implantación dos espazos docentes e de investigación.

As actuacións previstas neste ámbito :

Infraestruturas Investigación	350.000,00 €
Edificio Politécnico	45.340,53 €
Ciencias do mar	155.658,00 €
Enxeñaría Aeroespacial	149.001,47 €

6. Xornadas portas abertas / Congresos

As Universidades teñen entre os seus fines o fomento do coñecemento e a transferencia deste á sociedade.

A preparación de xornadas de portas abertas a cidadanía aos Centros Singulares permite poñer en valor o traballo investigador realizado neles e sensibilizar a sociedade ante os avances científicos.



A organización de grandes congresos é unha oportunidade de dar difusión, crear debate e intercambio de experiencias entre investigadores de todo o mundo e a comunidade Universitaria.

Con ese obxectivo programaranse xornadas de portas abertas á cidadanía nos centros singulares e realizaranse congresos de investigación.

Actuacións previstas neste ámbito :

Xornadas portas abertas. Congresos	50.000,00 €
Xornadas portas abertas de Centros singulares	30.000,00 €
Organización de grandes congresos	20.000,00 €

TERCEIRA.- Financiamento

A dotación da CONSELLERÍA para este convenio é de un millón douscentos cincuenta mil euros (1.250.000 €), con cargo ao orzamento da Xunta de Galicia , no marco do Plan galego de financiamento universitario 2016-2020 aplicación orzamentaria 10.40.561B.744.0 código de proxecto (2016 00129), conforme se indica na seguinte táboa:

RESUMO DAS ACTUACIÓNS

Área de Tecnoloxía da Información e Comunicaci3ns	205.000,00 €
Centros de Investigación	271.418,00 €
Arquivo/Museo mostras científicas	158.582,00 €
Eficiencia enerxética e climatizaci3n	215.000,00 €
Infraestruturas Investigación	350.000,00 €
Xornadas portas abertas /Congresos	50.000,00 €
TOTAL	1.250.000,00 €

Esta cantidade de un millón douscentos cincuenta mil euros 1.250.000,00 €, trátase dun importe certo e corresponde ao financiamento das actividades recollidas neste convenio, estando ao disposto no artigo 21.2 do regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.

Os importes das axudas irán destinadas a financiar os seguintes conceptos, sempre que se relacionen coa actividade obxecto do convenio, tales como:



- Custo de contratación de persoal investigador, xestores.
- Equipamento inventariable, material funxible e mobiliario.
- Material bibliográfico, cotas de coloquios e congresos e adhesión a sociedades científicas.
- Organización de actividades de difusión, así como presenza en medios de comunicación, xornadas e reunións científicas.
- Actividades formativas: cursos e talleres.
- Ferramentas de xestión do coñecemento e a información, tales como aplicacións informáticas, bases de datos, etc.
- Servizo de consultoría e asesoramento externo para estudos e actividades complementarias.
- Elaboración de proxectos de obras ou reformas, contratación e execución das mesmas.

No caso de existir baixas económicas nas adxudicacións realizadas tamén se poderán incluír aquelas inversións en equipamento científico-tecnolóxico, infraestruturas de equipamento e mobiliario de laboratorio.

A axuda é compatible con outras concedidas para o mesmo fin, pero, en ningún caso, o importe da subvención achegada pola consellería poderá ser de tal contía que, illada ou en concorrencia con outras subvencións, supere o custo da actividade subvencionada, tal como se establece no artigo 17.3 da Lei 9/2007, do 13 de xuño, de subvencións de Galicia.

De conformidade co artigo 31.7 da Lei 9/2007, do 13 de xuño, de subvencións de Galicia, e de conformidade co establecido no artigo 11.e) do Decreto 11/2009, do 8 de xaneiro, polo que se aproba o regulamento da Lei 9/2007, de subvencións de Galicia, a obriga de presentar a certificación do cumprimento de obrigas coa Administración pública da comunidade autónoma, coa Administración do Estado e coa Seguridade Social substituirase por unha declaración responsable de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración.



CUARTA.- Fórmula de pagamento

Para o pagamento, a universidade achegará antes do 15 de decembro de 2018:

- Unha certificación expedida polo órgano de control que corresponda na que se acredite a toma de razón en contabilidade, que se cumpriu a finalidade do presente convenio e que os fondos foron destinados a este fin, así como o detalle da realización dos gastos e dos pagamentos.
- Unha memoria explicativa das actividades desenvolvidas con cargo aos fondos recibidos que, como mínimo, deberá manifestar detalladamente as actuacións realizadas, os conceptos, procedementos de contratación, períodos de realización e pagamento dos gastos presentados. Coa memoria achegarase xustificación dos gastos (facturas ou documentos contables de valor probatorio equivalente, contratos, actas, ...) e dos pagamentos, cos xustificantes das transferencias bancarias ou documentos acreditativos dos pagamentos realizados.
- Unha declaración complementaria do conxunto das axudas solicitadas, tanto as aprobadas ou concedidas como as pendentes de resolución, para este fin, das distintas administracións públicas.
- Así mesmo, deberase presentar unha declaración responsable de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración.

QUINTA.- Responsabilidade

A subscrición do presente convenio non supón relación laboral contractual ou de calquera outro tipo entre os/as profesionais que vaian a desenvolver as actividades e a consellería, de tal xeito que non se lle pode esixir responsabilidade ningunha, indirecta nin subsidiaria, polos actos ou feitos acontecidos no seu desenvolvemento.

SEXTA.- Comisión de seguimento

Para o seguimento do convenio ou coñecemento de calquera cuestión sobre a súa interpretación, modificación, resolución ou efectos deste que poidan xurdir, créase unha comisión mixta constituída do seguinte modo:

- Tres membros da Secretaría Xeral de Universidades, dos que un/unha actuará como presidente/a.
- Tres membros da Universidade de Vigo.



Esta comisión actuará como órgano de vixilancia, seguimento e control do establecido neste convenio, promovendo, se o considera conveniente, outras actuacións que poidan enriquecer o seu desenvolvemento.

Non obstante, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida serán resoltas pola consellería.

SÉTIMA.- Vixencia do convenio

O presente convenio entrará en vigor coa sinatura dixital do último dos asinantes, sen prexuízo de que poida atender accións realizadas desde o 1 de xaneiro de 2018, e terá vixencia ata o 30 de decembro do 2018.

Non obstante o establecido no apartado anterior, este convenio poderá extinguirse por acordo mutuo e voluntario das partes, por renuncia dalgunha ou por denuncia deste por incumprimento dalgunha delas, o que se comunicará fidedignamente, logo de audiencia desta e con, polo menos, un mes de antelación. En calquera destes casos procederase á revogación da axuda, así coma ao reintegro total ou parcial das cantidades percibidas e a esixencia de xuros de mora nos casos previstos no artigo 33 da Lei 9/2007, do 13 de xuño, de subvencións de Galicia.

OITAVA.- Natureza do convenio

De acordo co establecido no artigo 36 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, este convenio ten un interese público, xa que de conformidade co previsto nos artigos 53 e 54 da Lei 6/2013, do 13 de xuño, do Sistema universitario de Galicia, corresponde á Xunta de Galicia, a través da consellería, coordinar as universidades do SUG para acadar a mellora da docencia, a investigación, a extensión universitaria, a promoción, a adaptación ás demandas e necesidades da sociedade e a realización de estudos no ámbito da docencia, investigación, innovación, xestión, ...

As actuacións de mellora de I+D+i estenderanse ás tres universidades galegas, potenciando a racionalización do mapa universitario e concretándose na promoción, deseño e materialización dos instrumentos necesarios para mellorar o financiamento estrutural da súa actividade investigadora.

A tal fin asínanse convenios singulares coas outras universidades do SUG adaptados á realidade e necesidades de cada unha delas. Polo tanto, non é necesario promover a



concorrenza competitiva por tratarse dunha acción coordinada que inclúe a todos os posibles beneficiarios para o mesmo fin.

Este convenio de colaboración ten a natureza dos previstos no artigo 6 da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, e realízase ao amparo do establecido nos artigos 47 e seguintes da Lei 40/2015, do 1 de outubro, de réxime xurídico do sector público, rexéndose polo establecido nas súas cláusulas e polo establecido na Lei 9/2007, do 13 de xuño, de subvencións de Galicia e o seu regulamento, aprobado polo Decreto 11/2009, do 8 de xaneiro.

De acordo co disposto na comunicación da comisión sobre o Marco de axudas estatais de investigación e desenvolvemento e innovación (2014/C 198/01), publicado no Diario Oficial da Unión Europea do 27 de xuño de 2014, a subvención contemplada neste convenio non constitúe axuda de Estado nos termos do artigo 107 do Tratado de funcionamento da Unión Europea ao tratarse de financiamento público de actividades non económicas como instrumento axeitado para dar resposta a obxectivos e fins de interese común, en particular, a coordinación e cooperación como elemento relacional básico para a racionalización do mapa universitario e o fortalecemento do conxunto das universidades galegas respectando a identidade de cada unha delas (artigo 2, 1,c da Lei 6/2013, do 13 de xuño, do Sistema universitario de Galicia).

Non obstante a UVigo deberá garantir que as actividades derivadas deste convenio se axustan ás normas procedimentais e materiais vixentes no momento da concesión da axuda, debendo informar á consellería por medio da comisión de seguimento.

NOVENA.- Publicidade

Segundo a disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a USC consente expresamente para que a Administración inclúa e faga públicos, nos rexistros regulados neste decreto, os datos relevantes referidos ás axudas e subvencións recibidas, así como ás sancións impostas.

A reserva que puideran facer as beneficiarias no sentido de non autorizar a obtención dos datos ou a publicidade destes nos rexistros, que en todo caso terán que expresarse, poderá dar lugar á exclusión do proceso de participación para obter a axuda ou á revogación do acto de outorgamento.



As subvencións estarán sometidas á función interventora e de control financeiro exercida pola Intervención Xeral da Comunidade Autónoma, nos termos que establece a Lei 9/2007, do 13 de xuño, de subvencións de Galicia. Así mesmo, estarán sometidas ás actuacións de comprobación previstas na lexislación do Tribunal de Contas e do Consello de Contas no exercicio das súas funcións de fiscalización e control do destino das subvencións.

En aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, de acordo co indicado na actual redacción do artigo 20 da Lei 38/2003, de 17 de novembro, xeral de subvencións e segundo o disposto nos artigos 3.1, b) e 15 da Lei 1/2016, do 18 de xaneiro, de transparencia e bo goberno, a información correspondente ao presente convenio publicárase na Base de Datos Nacional de Subvencións.

DÉCIMA.- Resolución de controversias

O presente convenio réxese en canto a súa interpretación e desenvolvemento polo ordenamento xurídico administrativo, con expresa submisión das partes á xurisdición contencioso-administrativa, nos termos que se establecen no artigo 47 e seguintes da Lei 40/2015, do 1 de outubro, de réxime xurídico do sector público.

De acordo co establecido no artigo 53 de dita lei este convenio deberá ser remitido ao Consello de Contas nos termos que no mesmo se establecen.

Lido por todas as partes, por si mesmas, e como proba de conformidade co expresado no presente convenio, asínano dixitalmente.

(...)

Conselleira de Educación, Universidade e Formación Profesional

(...)

Reitor da Universidade de Vigo